

ԱՐՁԱՆԱԳՐՈՒԹՅՈՒՆ

«Ստեփանոս-1» ՄՊԸ-ի կողմից Լոռու մարզի Ուրասար բնակավայրի վարչական տարածքում «Զքնաղ-1» ՓՀԷԿ-ի կառուցման հանրային քննարկումների

05.11.2024թ.

բնակավայր Ուրասար

2024թ. նոյեմբերի 05-ին ժամը 13.00-ին «Շրջակա միջավայրի վրա ազդեցության գնահատման և փորձաքննության մասին» ՀՀ օրենք (2014) հունիսի 21-ի ՀՕ-110-Ն Հայաստանի Հանրապետության օրենքում փոփոխություններ կատարելու մասին (Փոփոխությունները 2023 թվականի մայիսի 3) Օրենքի, ինչպես նաև ՀՀ կառավարության 19.11.2014թ. N 1325-Ն որոշմամբ սահմանված կարգով իրականացված՝ «Ստեփանոս-1» ՄՊԸ-ի կողմից ՀՀ Լոռու մարզի Ստեփանավան համայնքի՝ Ստեփանավան քաղաքի և Ուրասար բնակավայրի վարչական տարածքում «Զքնաղ-1» ՓՀԷԿ-ի կառուցման շրջակա միջավայրի վրա ազդեցության գնահատման հաշվետվության վերաբերյալ հանրային քննարկումների/առաջին հանրային քննարկում/ վերաբերյալ:

Հանրային քննարկմանը ներկա էին Ուրասար բնակավայրի վարչական ղեկավարը, Ձեռնարկողը, վերջինիս ներկայացուցիչները, ազդակիր բնակավայրի բնակիչները:

Հանրային քննարկումը բացեց Լոռու մարզի Ուրասար բնակավայրի վարչական ղեկավար Գևորգ Մանուկյանը, ողջունեց ներկաներին, նշեց, որ արդեն Ստեփանավան քաղաքում տեղի է ունեցել ՓՀԷԿ-ի կառուցման վերաբերյալ հանրային քննարկումը և այնտեղ ինքը բարձրացրել է որոշակի հարցեր, մասնավորապես Կարմրախայտ ձկնատեսակի ձվադրմանը չխոչընդոտելու վերաբերյալ:

Բնակիչները հարց բարձրացրեցին Զքնաղ գետից վերցվող ջրի քանակի, գետի վրա դրա բացասական ազդեցության, քանի որ գետի վրա կան նաև այլ ՀԷԿ-եր:

Նախատեսվող գործունեության նախագծող՝ Դավիթ Պապիկյանը նշեց, որ Գետի առավելագույն ջրառը լինելու է 3.5մ<sup>3</sup>/վրկ թողունակությամբ՝ որոշակի ամիսների ընթացքում:

Վ. Հարությունյանը պատասխանեց, որ ջրառի թողքը նախատեսված է շրջակա միջավայրի նախարարության կողմից, 1 տարվա համար տրվել է նախնական թույլտվություն, որտեղ հաշվի են առնված բոլոր խնդիրները: Նշեց, որ ջրի ելքի վրա տեղադրվելու է հաշվիչ, որը առցանց/օնլայն/ վերահսկելու է ջրառի քանակները: Ջուրը վերցվելու է այնքան, որ չխանգարի գետում առկա ձկների տեղաշարժին: Բացի այդ տեղադրվելու է ձկնանցարան, որն ապահովելու է վերին և ներքին հոսքով ձկների տեղաշարժը:

Բնակիչները հետաքրքրվեցին գործունեության իրականացումն ինչ օգուտներ է տալու բնակավայրին:

«Ստեփանոս-1» ՄՊԸ-ի տնօրեն՝ Վալերի Հարությունյանը ներկայացրեց նախատեսվող գործունեության կարևորությունը Հայաստանի Հանրապետությունում էներգետիկ ռեսուրսների ավելացման, ինչպես նաև համայնքում սոցիալ-տնտեսական

ներդրումների համար: Նշեց, որ համայնքի հետ կատրագրվի հուշագիր, որտեղ կներառվեն Ձեռնարկողի կողմից համայնքի ներդրման ուղղությունները տարեկան կտրվածքով՝ համայնքում առկա խնդիրների լուծման նպատակով: Գործունեության իրականացման ընթացքում կներգրավվեն համայնքի և Ուրասարի բնակիչները, շահագործման փուլում մոտ՝ 3 մարդ: Նշեց, որ տարածքը, ներառյալ գետի հունի երկայնքը, բարեկարգվելու և ծառայատվելու է:

Բնակիչները հարց բարձրացրեցին շինարարական աշխատանքների սկզբի, շինարարական աշխատանքներն իրականացնող կազմակերպության, անցնող խողովակաշարի գետից հեռավորության վերաբերյալ, քանի որ գետի երկայնքով կան ծառեր՝ կաղնի, հաճարենի և այլն, որ դրանք չվնասվեն:

Վ. Հարությունյանը պատասխանեց, որ շինարարական աշխատանքները կսկսվեն համապատասխան թույլտվությունները, այդ թվում շինթույլտվության ստանալուց հետո: Իսկ շինարարական աշխատանքներն իրականացվելու է համապատասխան լիցենզիա ունեցող մասնագիտական կառույցի կողմից:

ԴՊ Պապիկյանը պատասխանեց, որ խողովակաշարն անցնելու է գետից մոտ 3մ հեռավորության վրա՝ ստորգետնյա և նախագծային լուծումներն այնպես են արվել, որ չվնասեն գոյություն ունեցող ծառերը:

Ուրասարի վարչական ղեկավար Գ. Մանուկյանը հանդես եկավ խնդրանքով, որպեսզի Ձեռնարկողը բարեկարգի գյուղի մշակույթի տան տարածքը, ցանկապատի, ծառեր տնկի:

Վ. Հարությունյանը պատասխանեց, որ շինթույլտվությունները ստանալուց հետո կպայմանավորվի համայնքի հետ և կբարեկարգի գյուղի մշակույթի տան տարածքը:

Բնակիչները կարևորեցին գործունեության իրականացումը Հայաստանի հանրապետության համար, բայց խնդրեցին Ձեռնարկողին պահել խոստումները և հնարավորինս վնաս չտալ բնությանը:

Այլ հարցադրումներ չեղան:

Ուրասար բնակավայրի վարչական  
ղեկավար՝ Գ. Մանուկյան



*[Handwritten signature]*

Ձեռնարկող - «Ստեփծոր-1» ՍՊԸ-ի  
տնօրեն Վ. Հարությունյան



*[Handwritten signature]*